

Tum vos, ô quinæ stellæ, tu Iupiter albis  
 Lucens in Geminis, remeansq; per arietis ignes  
 Falcifer inversus, tu celsi in sydere cancri  
 Conspicienda Venus, tu Maia Atlantide nate,  
 Qui prius ingrederis Nemæum Marte Leonem;  
 Vos, inquam, septem terram super astra levata  
 Testes nunc estote mihi: jamq; altius omnes  
 Arcani causas fati referare parabat,  
 Utq; suas astrum Saturni temperet iras,  
 Quidve dolos Martis frangat, quid cætera signent;  
 Cum sensim surgens magis increbescere murmur  
 Pergit, & excutiens cum dulci somnia sommo,  
 Henrici placitis explet rumoribus aures:  
 Vxorem erectam partu, juxtaq; rubere  
 Mollibus in cunis specioso lumine natum:  
 Qualis vbi roseus primo splendescat in ortu  
 Lucifer, obscuræ post humida frigora noctis;  
 Aut flos Paxoniae pecto caput exerat horto.  
 Ne: mora dux Christo prius imo pectore grates  
 Exoluit, post è stratis se corripit, atq;  
 Ad cunas properanter abit, gratatur, ovatq;;  
 Et nuc infantem valuis complectitur vlnis.  
 Fausta precans: O auspiciis mihi natæ serenis  
 Mi fili, te religio regioq; patronum  
 Expectant, his cresce puer: nunc patria sigit  
 Oscla labris, curam sobolis nunc mandat haberi.  
 Iamq; sacrata dies aderat, qua rore salubri  
 Infant abluitur veteris contagio culpæ,  
 Vndiq; finitimus procerum confluxerat ordo,

D

Agmen